

Kiskêyihta âcimostâkêwin:

Ka-cîstahohcik awâsisak asicâyihk COVID-19

Maskawâtisiwin Kânata kî-pakitêyiham ôma COVID-19 cîstahowin kiki awâsisak niyânan isko pêyakosâp itahtopiponêwin. Ôma cîstahowin wîchikow kî-miyaw ta-notinahk âhkosiwin, êkosi isi awâsisak nawac astamêhk kahcitanam COVID-19 mîna môsihow mayamahcihowina.



Ata awâsisak êkwa oskayak nawac astamêhk ta-misi-âhkosicik ohci COVID-19, kâyapic ta-kî-:

- › âhkosow ohci COVID-19
- › ayâw âhkosiwin mîna namôya kîkway mayamahcihowina
- › ayâw namôy mwâsi mâka sôhkêyihâtakwan âyimihowin isihkâtêw multisystem inflammatory syndrome isi awâsisak (MIS-C)
- › âsôskamakêw COVID-19 isi kotakak
- › môsihow kinwês-iskoyikohk ka-tôcikêmakahk kîspin kahcitanam âhkosiwin

Mâwaci ôhi kinwês-iskoyikohk ka-tôcikêmakahk ohci COVID-19 êkwânihi nêstosiwin, têtistikwânêwin, kisikwatiwin wanihtawin, micêstatay wîsakêyihamowin, pawinêhkwâmîw, ostostotamowin êkwa âyimihow ta-mâmitonêyihatk ahpô ta-nahâpahcikêk.

Awâsisak asici atiht nisitawêyihâtakwan ka-isayahk ta-kî-mîna ayiwâk âstâsôwin kiki ka-sôhkêpayik âhkosiwin ohci COVID-19, mâka atiht awâsisak ka-sôhkêpayik âhkosiwin namôya kîkway âstâsôwin.

Cîstahowêwin pakitinam ayiwâk ka-pimâstahk manâcihiwêwin asicâyihk âhkosiwin, êkwa ta-kî-wîchikohq awâsis ta-nîsôhkamâkêk nawac pêyâhtak pisiskêyihcikêwin isi kihci waskawêwina, tâpiskôc tipiyaw-ayisiyinihahk kiskinwahamâkêwin, mêtawêwin êkwa otôtêmiwin itahkamikisôwina.

Kîkway ta-kî-kiskêyihamin



Scientists pimitisahamwak pêyâhtak pimipayihâtawin ispihk ka-osihcikâtêk mîna wâh-wâpahamowin ôhi cîstahowina. Cîstahowina kî-ihtakon kisiskâc ayis ohci oyâpahcikâtêw natonikêwin sônîyâwi-wîchihiwêwin mîna ayiwâkan tahtahkwâw ohci askininahk mâmawohkamâtowin. Ôhi cîstahowina êkwânihi ohcipayiwini nakacihâtawin mîna pimipayihâtawin ka-kî-kapê-ayi osihcikâtêkihik kiki kotaka ka-âsôskamâtohk âhkosiwina.

Ôhi cîstahowina kiki awâsisak niyânan isko pêyakosâp itahtopiponêwin êkwânihi nawac astamêhk maskihkiya. Tâpiskôc mihcêt asici kotaka cîstahowina, COVID-19 cîstahowin iyikohk êwako ohcipayiwini isi ayisiyiniw otahtopiponêwin, namôy ohci kisikwatiwin ahpô ispihkitowin, ayis itahtopiponêwin êwako kistêyihcikâtêwin isi kawikihikohk sêpinîwin pihkohtâwin. Pîhci nâkatohkâtêwin ohci ôhi cîstahowina, astamêhk maskihkiy ka-mêyihk awâsisak asici mitoni kwayask manâcihiwêwin asicâyihk COVID-19.

Ôhi cîstahowina namôya ta-kî-mêkiw kicawâsimis COVID-19 ayis namôy astêw ôma âhkosiwin êkwânima ka-itocikêmakâ ôhi âhkosiwina.

Ôhi cîstahowina namôya mêtakocipitam DNA. Ôhi cîstahowina namôy wîhkâc kikinikâtêw asici DNA.

Ôhi cîstahowina namôya ayâcihtaw kicawâsimis oyôsêwin. Mihcêt ka-pêyako isihcikêhk natonikêwin kî-wâpahcikâtêw êka kîkway kêhcinahowin êkwânima COVID-19 cîstahowina ayâcihtaw oyôsêwin.

Mayiskâkôwina



Itskakêwin isi cîstahowêwin êkwânihi mâna apisîs mîna ati namatakon nânîtw atiht tipahipîsimwân ahpô atiht kîsikâw. Êwako asici mihkopayiwini, wîsakihtamowin mîna pâkipayiwini ita cîstahokawêywin, mîna nawac mâna mâyamahcihowin tâpiskôc kawacipayiwini, kisisowayâwin, nêstosiwin, têtistikwânêwin, têtikanêwin êkwa micêstatay wîsakêyihamowin.

Nawac ka-ayimahk itskakêwin êkwânima namôy mwâsi mîna nanâtawihitakwan. Kîspin ka-ispayik, nawac mâna mâyaw ka-mêkawêyini cîstahowin.

Cîstahowina pisiskêyihcikâtêwa kiki kanawêyimiwêwin êkwa mayiskâkôwina.

Asici mîna isi ka-sôhkahk COVID-19 cîstahowin kanawêyimiwêwin pisiskêyihcikâtêwin pamihcikêwin, Kânata ayâw kanawêyimiwêwin wâh-wâpahcikêwin pamihcikêwin kiki awâsis cîstahowêwina. Ôma Cîstahowêwin Pisiskêyihcikâtêwin Pimipayihâtawin ACTive (The Immunization Monitoring Program ACTive (IMPACT)) pimohtacikêwin êwako awâsis, âhkosowikamik-ohcipayiwini pimohtacikêwin paminihikêw ohci Canadian Awâsis Tahtoskânêsiwak êkwânima kî-pisiskêyiham awâsis cîstahowêwin kiki ayiwâk nisitanâw 20 itahtopiponêwin.

Kîspin kî-ayân kakwêchikêwina ohci COVID-19 cîstahowina, pîkiskwata maskihkiyiniw.

Kiskêyihta âcimostâkêwin. Kiskêyihta ayiwâk Canada.ca/covid-vaccine mîna kiyokê kî-okimânâhk ahpô tipahaskanihk website kiki kiskêyihamihiwêwin mêmohci êkota ka-wîkêyiniw.

